



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1581 usque ad annum 1589

**Fleury, Claude**

**August. Vind. [u.a.], 1772**

**VD18 90118650**

§. 9. Billii Abbatis fatum.

---

[urn:nbn:de:hbz:466:1-67246](#)

nibus, quos tum Europa tulit, Viris Sæcul. XVI.  
scientia celeberrimis arctum literarum A.C. I. 81.  
commercium fovebat, postquam vero  
a Gregorio XIII. Hispalensis Canonicus  
creabatur, ibidem aliquot annis com-  
moratus demum Romam reversus est,  
ubi etiam hoc anno a Christi nativitate  
millesimo quingentesimo octogesimo pri-  
mo, ætatis vero suæ quinquagesimo  
sextῳ naturæ debitum solvit.

## §. IX.

*Billii Abbatis fatum.*

**A**lter erat Jacobus Billius Abbas sancti *Mraeus de Michaelis in Herma*, Vir suo ævo *Script. Eccl. Sanmarth. in elog. l.3.* doctrina clarissimus. Hic Guisæ quadam Picardiæ Urbe, cuius Guberna-  
tor erat ejus parens Ludovicus Billius Carnutensis, natus erat, & fratrem ha-  
bebat natu majorem nomine Joannem, adolescentem meritorum gloria prorsus singularem, qui, cum in secessu Carthusiano severiorem vitam agere meditaretur, Jacobo fratri suo sancti Michaelis in Herma Ordinis sancti Benedicti Abbatiam, cui præerat, cessit, ac inter Carthusianos raro virtutum exemplo, atque exactæ disciplinæ studio clarsus usque ad annum Domini millesimum sexcentesimum decimum vitam produxit, suisque libris, ac probitate celebrēm sese reddidit: Jacobus vero

B 2

præ-

**Sæcul. XVI.** præfatam Abbatiam adeptus eo secessit,  
A.C. 1581. ibidemque opera, quæ posteris reliquerat, elucubravit, præcipue autem sancti Gregorii Nazianzeni opera iterato prælo excusa ex græco latine reddidit, simulque latinitate donavit tres primos libros sancti Isidori Pelusiotæ, necnon varios tractatus sancti Joannis Chrysostomi, Divi Basilii, & sancti Joannis Damasceni: insuper plures græcos Patres, cum hujus linguae peritia eminere, egregiis illustrabat adnotationibus, ac latini sermonis facundia insignis, necnon humanioribus literis apprime excultus valetam antiquitatis tam sacræ, quam profanæ eruditionem possidebat, facilique vena latinos æque, ac Gallicos versus canebat, ideo suæ poeticæ artis plura specimina haud sane contemnenda ad nos transmittebat. Depique hoc anno die vigesima quinta Decembris, seu juxta aliorum Scriptorum relationem, vigesima secunda Novembris annos nonnisi quadraginta septem natus, extremam clausit diem, dum Parisiis in Genebrardi Doctoris, atque amici sui ædibus morabatur. Corpus ejus ad sancti Severini Ecclesiam delatum ibidem terræ mandabatur.

§. X